

# Святитель Григорий Палама

Канон святого глас 4.

Песнь 1.

**Ирмос:** *Отвѣрзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.*

Ритор божественни, и богословов изрядни, и языцы боговещанни, / приидите снитесь в соединение, / воспети по достойнию духоритора, божественнаго Григория.

Столп веры, Церкви поборник, / великий Григорий да восхваляется мною, / всеизрядный пастырь Фессалонитский, / красота чина иераршескаго воистинну.

От младенства возжелал еси лучшее житие, / и совершенное отче от юности возлюбил еси мудрование, / и купноравен, и единомудрен показался еси / тезоименствующаго тебе, отче Григорие.

**Богородичен:** *Буди ми, Всенепорочная, живота путь, / наставляющий мя к Божественным селением, / прельстихся бо, и к пропадем злобы поползнухся, / от нихже мя возведи ходатайством Твоим.*

Песнь 3.

**Ирмос:** *Твоя песнословцы, Богородице, / живый и неизвестный Источниче, / лик себе совокупльшия, духовно утверди, / в Божественней Твоей славе / венцев славы сподоби.*

Струи Божественных учений твоих сохраняющие, / всякия козни злославных избегаем, / и вся избиваем твоими священными списанными / полки сих, Григорие.

Премудрости будия злославных разрушил еси, блаженне, / премудрость Божию ипостасную имея в сердце твоём, / еюже с шумом поразил еси гнилая сих шатания.

Умертвив плоти тлеемая всякое сладострастие, премудре, / постнически оживил еси души твоея движения, / и сию Божественный орган Богословия показал еси.

**Богородичен:** *В разуме ума и произволении, / студное же и блудное житие прилежно возлюбих, / но любовьию Божественною мя свяжи, / молитвами Твоими, Дево Богоневестная.*

Седален, глас 4:

**Подобен:** Скоро предвари:

Прелесть попалил еси злославных, премудре, / веру изъяснил еси православных добре, / и мир просветил еси. / Отонудуже победоносный победитель показался еси, / столп Церкви, истинный иерарх, / моляся не престай Христу, / спастися всем нам.

Слава, тойже.

**И ныне, Богородичен:** Скóро приимí Владычице молéния нáша, / и сйá принесí Сыну Твоему и Бóгу, / Госпожé Всенепорóчная, / погасí обстояния злослáвных языковрédных, / укротí кóзни, и низложí дёрзость / вооружáющихся безбóжных, / Пречíстая, на рабы Твоя́.

#### Песнь 4.

**Ирмос:** *Неизслéдный Бóжий совёт, / ёже от Дéвы воплощéния / Тебé, Вы́шняго, / прорóк Авваку́м усмотря́, зовя́ше: / сла́ва си́ле Твоёй, Гóсподи.*

Отвёрз устá твоя́, óтче премúдре, / Божéственную премúдрость проповéдал есí, / ёйже поучáлся есí в сёрдце твоём прíсно, / и Варлаáма сýетнаго несмы́сленна и безúмна показáл есí.

Зашёл есí сладчáйший в зёмлю, сóлнце закóном естества́, / возсия́еши же úтро со Христóм, сóлнце невечёрнее, / вся назирáя молíтвами твоими́.

Явí благодáть тебé, блаженне Бóжий, / похвалу́ и утверждéние превéлие правослáвных, / и пáстыря благáго, и богослóва вторáго, / и ста́да бóдраго хранíтеля.

**Богородичен:** Ушесá мне отвёрзи душéвныя, Мáти Бóжия, / родívшая прёжде ушесá Отвёрзшаго глухóму, / и Божéственным внимáти словесём, и исполня́ти сподóби.

#### Песнь 5.

**Ирмос:** *Ужасóшася вся́ческая / о Божéственной сла́ве Твоёй: / Ты бо, неискусобрáчная Дéво, / имéла есí во утрóбе над все́ми Бóга / и родилá есí безлётнаго Сýна, / всем воспева́ющим Тя / мир подава́ющая.*

Серпóм словéс твоих, и священными списáнными / посéкл есí ёреси терновíдныя, / и плéвел лóжная прозябéния, / правослáвия же благочестíвая положíл есí сéмена, / священноначáльне Григóрие.

Словесá твоя́, всемúдре, и честнáя списáния / суть росá Небéсная, / мед кáменный, хлеб áнгельский притека́ющим, / питиé, бра́шно, сладость, / наслаждéние, Григóрие, и истóчник живы́я воды́.

Óбщаго тя учíтеля познава́ет землá и мóре, / столп священный правослáвия, / и оружеполо́жницу Божéственных догмáт честнóю, / премúдраго богослóва священнаго, / сожителя, сопричáстника, апóстолом единонрáвнаго.

**Богородичен:** Струя́ми умилéния, / сквёрны сёрдца моего́, Непорóчная, отмый, Дéво, / и покая́ния óбразы мне дáруй, / Твоими́ к щéдрому Бóгу священными молéнии, / Егóже неизречéнно родилá есí.

#### Песнь 6.

**Ирмос:** *Божéственное сиé и всечестнóе / соверша́юще прáзднество, / Богомúдрии, Богомáтере, / приидите, рука́ми восплэ́цим, / от Нея́ рóждашагося Бóга сла́вим.*

Растерзася суетное шатание, / и язык Варлаама безумнаго, / словесы и велении, и разума остротою / премудраго царя, и твоёю, Григорие.

Божественную цевницу Духа, / трубу яве проповедающую Божественныя тайны, / Фессалонитскаго председателя, Богословский язык, песнями почтим.

Людем иногда предводитель, / яко столп огненный, веры враги попалил еси, / верных же состояния просветил еси, / богомудре отче Григорие.

**Богородичен:** Буди ми, Всечистая Владычице, / тишина и пристанище утешения, / преводящее к Божественному пристанищу невлаемому, / бурю страстей моих укротивши.

### Кондак святому, глас 8.

**Подобен:** Взбранной:

Премудрости священный и Божественный орган, / богословия светлую согласно трубу, / воспеваем тя, Григорие богоглагольниче, / но яко ум Уму первому предстои, / к Немум наш отче настави, да зовем: / радуйся, проповедниче благодати.

**Икос. Подобен:** Ангел предстатель:

Ангел явился еси на земли, неизреченная Божия человеком возвещая. / Безплотных бо гласы, от человеческих сый, и плотию употребляяся, удивил еси нас, / и вопити тебе богоглаголиве увещал еси сия: / радуйся, имже тьма сокрыся; радуйся, имже свет взыде. / Радуйся, несозданнаго Божества ангеле; / радуйся, созданнаго и буюго воистинну обличителю. / Радуйся, высоту невосходимую, Божественное естество рекий; / радуйся, глубину неудобь видимую, действие рекий; / радуйся, яко славу Божию добре рекл еси; / радуйся, яко мнения злодеев отрел еси. / Радуйся светильниче, показавый Солнце; / радуйся чаше, пития Божественнаго подательнице. / Радуйся, имже истина просиявает; / радуйся, имже помрачися лжа. / Радуйся, проповедниче благодати.

### Песнь 7.

**Ирмос:** Не послужиша твари Богомудрии, / наче Создавшаго, / но, огненное прецение мужески поправше, / радовахуся, поюще: / препетый отец Господь и Бог, благословен еси.

Словесем беседующии, и списанием твоим, Григорие, / разуму поучаются Божию, / и полны являютя премудрости Божия духовныя, / и несозданную благодать, и действие Божие богословствуют.

Меч и стрелы злославных сокрушил еси, / и гордость Варлаамову, и всякую силу еретическую, / яко ткание паучины расточил еси, / аки камень превеликий, иерарше.

Запечатлеса твоими словесы и догматы вера благочестивых, / и дерзость ереси ста, Григорие, / и низложение православия преста, и крепость злославных.

**Богородичен:** Струй Тя источника, усóхшии страстéй болéзнями, вéдуще войстинну, / почерпаём спасéние, и Божéственныя струй, и взываём: / благословén, Всечíстая, плод Твоегó чрэва.

### Песнь 8.

*Ирмос:* *Отроки благочестíвыя в пéщи / Рождество Богорóдичо спасло есть; / тогда́ убо образуемое, / ны́не же дéйствиемое, / вселéнную всю воздвизáет пéти Тебé: / Гóспода пойте, дела́, / и превозносите Егó во вся вéки.*

Предстоиши ны́не престóлу Всещéдраго, / я́ко богослóвов подобный, / и сим единонравный всемúдре, Григóрие, / Фессалонítский председателю, иерáрхов добрóто, / свéтло украсíвся слáвою священноначáлия, / Бóгу и ны́не служá.

Вéдый чíстое твоегó помышлéния Бог, / и прéжде чрэва, и прéжде зачáтия, / вёрному возглагола божéственному царю́ я́ве, / Цéркве необорíмаго бýти тя побóрника, / тэмже правíльным извéством, / мíром запечатлén еси́ священноначáльства.

Побежда́ется я́ве и бédствует / собрáние Поликиндíна длáнию твоёю, / и мúдрыми твоими глаголы, / преслáвне Григóрие, Фессалонítский председателю, / и я́ко исчеза́ет дым, исчеза́е гнилóе безúмие, / твоим громоглáсным и Богослóвным язы́ком.

**Богородичен:** Сло́во Бóжие в Тебé Дéво, / челове́ческое естество́ погружа́емое страстьми́, / возобрази́ крайнею благосты́нею, / и все обновí и посвятí, / тэмже Тобóю спасéни, / Тя славослóвим во вся веки.

### Песнь 9.

*Ирмос:* *Всяк земнорóдный / да възигра́ется, Дúхом просвещáемь, / да торжествúет же Безплóтных умóв естество́, / почита́ющее свящéнное торжество́ Богомáтере, / и да вопи́ет: / ра́дуйся, Всеблажéнная, / Богорóдице, Чíстая Приснодéво.*

Зерца́ло Бóжие был еси́ Григóрие, / éже бо по óбразу несквёрное соблю́л еси́, / ум же влады́ку на стра́сти плотскíя мúжески поста́вив, / éже по подóбию восприя́л еси́. / Отонúдуже дом был еси́ Святы́я Трóицы светлéйший.

Царь благочестíвый крила́таго тя воздухо́дна показúет, семú спобóрствующа, / я́ко всегó испóлнена Божéственного Дúха, / на суемúдреннаго неистовствующаго Варлаáма, / глаголющаго на высотú непра́ведная Бóгу, / егóже пра́ведно победíл еси́.

Весь быв премúдрости лúчшия испóлнен преслáвне, / свет мíрови просветíл еси́, / правослáвия источíв догмáты: / дрúжеством бо изряднаго любомúдрия премúдре, / Божéственный страх во чрэве зачáл еси́, / и словеса́ Дúха породíл еси́.

**Богородичен:** Песнь Тебѣ вѣрнии согласнo принoсим благодарѣния, / Ты бо дрѣвнюю разрушила еси нашу клятву, Богородительнице, / и благословѣние вси Божѣственное приѣмлем, / спасѣние, просвещѣние, и мѣлость Тобoю, / и радость вѣчную.

**Ексапостиларий**  
**святаго. Подобен:** Со ученики:

Радуйся отцев похвалo, богословов уста, / безмолвия селѣние, премудрости доме, / учителей крайность, пучино слова. / Радуйся деяния органе, видѣния крайность, / и исцелителю недугов человеческих. / Радуйся Духа храмe, и умерый и живый отче.

**Слава, И ныне, Богородичен:** Владычице, всех Владычице, и всех вышшая, / всех же превосходящая горних воинств, / простри руку державну, и сохрани мир, / священники благослови Тебѣ священнодействующия, / монахи же прости, молящия Тебѣ. / Люди вся умири, и сущия в палате: / воинство же укрепи во время брани: / сей град соблюди, святая Богородице. / И ныне нас сподоби видети Небесное Царство, и райскую дверь, / егда сядет Судия судити вселенней, / во втором и страшном судилищи, Владычице, ангелов.